

gen aldair geschiet ende doorwyen, om dezelve gesyen dair over te doen, zoo men in goede justicie bevinden zal te behoiren.

Op 't xije, xijje, ende xive arten. — S. Exie is bereyt dair inne te voorsien, ende hem te conformeren nair 't advijs van den Staten. —

*Commissie, dienende tot het opschrijven des coorns ende buspoeder in den steden van Hollant.*

Wilhelm, by der gratiën Goods, Prince van Oraingjën, Grave van Nassau, van Catzenellenbogen, van Vianden, van Dietz, van Bueren, van Leerdam, etc. Heere ende Baroen van Breda, van Diest, enz. Borohegrave van Antwerpen ende van Besançon, Stadhouder ende cap. gen. over Holst, Zeelt, Westvriest, ende Utrecht. Allen dengeenen die dese jegenwoirdige zyen zullen, saluyt. Doen te wetene, dat alzooy alle nutte ende bequame middelen zoucken tot vorderinghe ende welvairen van de gemeene zaicke, ende oick in 't particulier van dezen lande ende graefscpe van Holst dienende; begeeren dairom dat tzelve lant van Holst van alle nootzaickelijkheden, zoo van probiande ende zonderlinghe coorn als van ammunitie van oorloge, behoirlick voersien mach worden ende blyven. Soo hebben wy, ons ten vollen betrouwende op die vroomicheyt ende goetheticheyt, die tot welvairen van den lande zijn dragende Mr Jan Jacobss, burgemr der stede van der Goude, ende Willem Adriaenss, schepen der stede van Hairlem, hen beyden tzamen gestelt geordineert ende gecommitteert, stellen ordineren ende committeren by dezen, gevende hen volcommen macht, autoriteit, ende zonderling bevel, om zich te transporteren ende te gaen in allen den steden ende plaetsen hyer in Holst gelegen, der gemeyne zaicke ende ons toegedaen zijnde, ende aldair hen neerstelick te informeren van allen het coorn ende andere granen, oick van het buspoeder zoo der particulieren als het generale corpus derzelver steden ende plaetsen toebehoirende, tgene zy alzooy bevinden zullen te doen meten ende particulierlick op te laten sryven ende ons zonder yemant anders 't zelve alzooy aen te dienen, omme, tzelve gesien by ons, opte distributie van 't voers. coorn ende buspoeder, nair gelegentheit der zaicken ter noot gedisponeert te mogen worden. Ten welcken fyne dese commissarissen oick zullen optoeckeneu hoeveel

monden zyluyden dairtoe in elke stadt ende andere plaetzen bevinden. Wairop ende van hen wel ende getrouwelick hyer inne te quijten zyl. schuldich zijn zullen alzulcken eedt, als wy hen mit deze schriftelick overgeven, te doen ende dien met heure hand te onderscrijven, ende denzelven by allen dengenen die zy dairtoe te wercke stellen zullen, te doen doen; verzouckende dairom ende desniettemin van wegghen der Co Mt ordinerende ende bevelende allen ende iegelicken officieren, justicierien ende andere oevericheden der steden, vleecken, dorpen ende and. plaetsen in Hollt, oick allen gouverneurs ende capen aldair by ons gestelt ofte alsnoch te stellen, dat zy eick in heuren gebiedt, den voirs. J. Jacobssoen ende W. Adr. die solderen der poorteren ende and. innewoonderen doen ende laten openen, ende die metinge ende opscrijvinge des coorens, mitsgaders het ondersoucken van de buspoeder doen gedoegen, ende henl. daertoe handthaven ende alle hulpe, assistentie, ende vorderinge doen, zonder eenige weygeringe daer inne te doen ofte laten geschieden; want onsse belieste zulx is. Dien t' oirconden hebben wy deze met onssen name geteickent, ende ons secreet zegel dair beneffens laten drucken in placcate. Aldus gedaen tot Leyden, opten zijen dach der maent van Novembri, in den jare ons Heeren duyzent vijf honderdt tzeventich ende twee. Guille de Nassau.

By bevele van Z. Exie, Brunynck.

Forme van den eede: Ick N. sweere by mijn trouwe eere ende zalicheyt, mijn wterste vlijt te doen in 't sryven van den coorne ende van de menschen, die er mede gespijst zullen werden in steden ende plaetsen in Hollt, dairt my belast zal werden, getrouwelick ende oprechtelick, zonder aanschou van eenige steden ofte personen, dair inne te handelen, ende alle granen die ick in dezelve steden ende plaetsen zal vinden neerstelick ende zoo secretelick aen te toeekenen, dat niemant ter werelt anders dan mijn Gen. He. den Prince van Oraingen ofte dengeenen, dien 't Z. Exie believen zal wt my te doen verstaen, van my zal weten hoevele coorns ick bevonden zal hebben te wesen, zoowel in eenige steden ofte plaetsen van Hollt, als in allen desselven lant steden ende plaetsen te zamen, dair ick de voirs. berichtinge ende bescrijvinge gedaen zall hebben. Soo waerlick helpe my God ende zijn heylich woort! . .